



Ассаламу аьлайкум, дустал

ХХЯХЖА БАРГЪ

Лакрал райондалул кказит. Ита бакълай 100-сса шин.

12+

«ЗАРЯ»

Нюжмар
18 август
2023 ш.

№35 (9456)

www.zaria-online.ru
gazetazary@mail.ru

Батлаву

Нигъачлаврия буруччаврилсса буллалисса Советрал секретарь - Лаккуй

Августрал 10ний райадминистрациялуву хьунни райадминистрациялул бакIчитал ва зузат, шярваллал администрациярдал бакIчитал, аьралий хIисав-ккал дачин дурсса зузат, итдарарттай, организациярдай каялушиву дуллалими бавтIсса совещание.

Лаккуй агъалинашал хьунабакъин бувкIун бия РДлий Нигъачлаврия буруччаврилсса буллалисса Советрал Секретарь, Аьрасатнал Виричу, полициялул генерал-майор **Баачилов МахIаммад**, РДлул Совбезрал отделданул аппаратрал начальник **Унчиев Давуд**, Салаватов Магомеджабир, контракт чирчуну агъалий СВОлин буцлацаврилсса буллалисса пунктрал начальникнал заместитель, хIакъинусса кьини СВОлий хьхьичIунну талатисса, Гьумучату лавгсса **Салихов Исакъ**, 4мур даражалул Святой Георгийлул Ордендалул лайкъ хьусса.

Ми бакъассагу совещаниелин бувкIун бия ЧIарадиял, Гьуниннал, Гергебиллал, Лавациял, Ахьушиял, Ккуллал районнал администрациярдал бакIчитал, ягу миннал заместительтал.

ЧIумул масаларттая, аьрххилия гьартасса ихтилат бунни Аьрасатнал Виричу **М. Баачиловлул**:

-ХIакъину жу бучIаврил хьунмур мурад - контракт чирчуну аьралуннаву кьуллугъ буллалаврил хIалкъазия, мукунминнансса куклушинну ва кьулайшивуртту цукунсса дусарив цал уттигу бувчIин баву, иттагу итгавсса ихтилатру бавури. ДакIнин бичинну цаппара му иширацIун бавхIусса хIучарду.

КIулсса куццуй, нанисса шинал сентябрь зуруй дайдишинтIиссар ссуттил армиялин буцаврил кампания. Армиялин буцинтIиссар 30 шин хьуннинсса жагьилтал. ХIакъинува чIалай бикIан аьркинссар ва даврил тагьар цукунсса дусарив. Гьашину республикалий гужрай биттур хьунни армиялин буцаврил план, мудар 100ния ливчусса процентру шайссия тIий, цIубутIул ихти-



латру бувну, махъ буллунни контракт чирчуну аьралий гьан баврилсса буллалисса Республикалул пунктрал хьунаманал заместительнахьхьун:

-РДлий гьашину цалчин тIивтIунни укунсса пункт. Мунийну бигъа хьунни даву, хьхьичIва гьан багъайссия Астраханнайн. ХIадур байсса документругу чангу, бигъагу хьуссар. Контрактрай гьан ччими, цимурцаннулсса 3 гьантлий бувну, тIайда буккайсса. Цинявпагу 18 шиная 60 шин хьуннинсса гражданинтал. Контракт чичайхтура дулайссар ца базилух 195 азара кьуруш, 100 азара кьуруш республикалул цила чулуха, 204 азара кьурушгу зурул харж. Мукун цIубутIуй канихьхьун дирияйссар 500 азара кьуруш.

Миннал кулпатиртган байсса кумагру паччахIлугьралгу, кIантту-кIантурдайгу байсса чIявуссар, - увкунни ванал.

Ялагу бувсунни цаймигу цукунсса кумагру, кьулайшивуртту дайссарив контракт чирчуминнан. Мири хьинну чIярусса душиву, ччарча аьралий бувгьусса кьуллугьрах, званиялух,

ччарчагу дьэвиллий ккаккан бувсса пагьмурдах бурувгун. ХIасил, докладчикнал гьарца мурцIнин ивну бувчIин бунни контракт чирчуми цу-

кун буруччачиссарив хIукуматрал...

Хьирив цимурцанния куртIсса бувчIин баву дунни **М. Баачиловлулгу**:

-Зун бавунни цимилгу контракт чирчуминнан ца базилух 500 азара, яла 204 азара гьарца зуруй дулайшиву.

Цала ккаккан бувсса гьунар хIисав бувну, масала, душманнал самолет-вертолет, танк, пушка, аьскар ппив барча, ялун ххидайсса арцурдугу дур.

Инсантал зумух ласлан бикIай, СВОлин контракт чирчуну анжагъ арцу лякьиншиврули нанисса тIий. Мунишал кьарязийссара. ЧIявуми мукун най бакъар.

ЦIубутIуй хасьсса операциялин нанини вайксса арцу дулаврия, кумагру баврия хавар бакъассияхха. ЧIявусса бия, уттигу бур хушрай Ватан дуруччин наними, цала чулуха ххувшаву ласун кумагру буллалисса. Мукунми бур цала Буттал кIану буруччаврил бурж биттур булла. Дяьви бур дяьви, микку бур оьтту, литлавуртту, чапалшиву, мушакъат шаву, захIмат...

Амма щала билаят душманнашал талатини, цучIав

хIучI тIун кьалайкъссар.

Циванни цавай хушрай тихун нанисса, цавай лабикIлакIисса, хьхьичIа лихълахъисса. Ва тагьарданул азурда буллай бур циняв, Аьрасатнал Президент, республикалул бакIчи, районнай каялушиву дуллалими.

Жула республикалий махъун дагьну дур налогру датIаву, экономика. Амма РФлул Президентнал кабакъаврийну гьарца ишла хьанхъисса программалун ита-

чагъшивуртту. 20 азарунния ливчусса аьралийтал талай бур СВОлий (генералтал, полковниктал, майортал, сержанттал, солдат). Арулунная хьунни Аьрасатнал Вирттал, 4 ивкIуну махъ. 1000ния лирчунни дуллусса наградартту. Цал тиккун багьми, шаппай бучIан ччай бакъар, мьяжаннугусса озру бакъа.

Тиккусса иширттах бургарча, оьрус оьруснашал талатисса дяьви хьанай бур.

Жула хIукуматрайн лажинну бур бусурмантал, Гьанмур Восток, Африка. Миннал хIукуматрал политика хьинчулий ккаклай бур. Миннан чIалай бур жува бакъа цала чIарав цайми кьабацIайшиву. Афгъаннаву, жуцала дяьви най бунува, буллай бия школартту, завод-фабрикру, кьатри, шагьрурду, ххуллурду ва м.ц.

Американал кьюкьала хьунну кьабивтунни Афгъан.

КIия православныйсса уссу талай бур цащала цивппа Украиннай. Мукун бунни НАТОлул хIукуматирттал СШАнал каялушиврулу, - тIий ур М. Баачилов.

Ванал ялагу бувсунни СВОлий хьанхъисса иширттая, цукун бьяйкин буллалиссарив СШАнал та билаят, ци кьини ликлакиссарив украиннал агъалинайн хьуними сававну. Ванал мукунна аьй-бювкьу дунни Лакрал ва Ккуллал районная контракт чирчуми хьинну чанну бунутIий.

Ялагу ихтилат бунни Гергебиллал администрациялий зузисса вакилнал. Мунал бувсунни цува райондалул, республикалул чулуха кумаграцIал ряхва базилух лавшиву СВО бунин, цукунсса иширттацIал хьунаавкъуссарив, цащала зузисса ца зузала тийхсса ишру чIалай хушрай контракт чирчуну тиккува авцIунни тIар.

Ихтилат бунни ялагу Исакъ Салиховлул. Ваналгу бувсунни цукун кьучагьталну буссарив дагьусттаннал жагьилтал, гьарца аьркинмунил цивппа щаллуну бушиву ва м.ц.

Хьинну мяьна дусса ихтилатирттахлу, совещание дан Лаккуйин бувкIминнайн хьунмасса барчаллагъ баян бунни Юсуп МахIаммадовлул.

Хъун джъвилый бивкIсса ттаттахъул кунма

Аьрасатнал аьралуннал хасъсса операция буллалсса кIанттурдая отпускалий ита-
авкъуну, шавай увкIсса Исакъ СалихIовлучIан шаппай бивкIунни райондалул
администрациялул зузалт.



Миннавух бия райондалул бакIчи Ю. МахIаммадов, мунал заместитель Я. ХIамзаев ва А. Къюннуев, культуралул центрданул директор А. Къажлаев (И. СалихIов тихун гъаннин зий уссия культуралул центрданий), администрациялул дуллали-муний каялушиву дайма ХI. Чавтараев ва миннацалсса цаппара къуллугъчитал.

Исакъ нитти-буттацал яхъанай ур Гъумучиял къадинахъал тухумраясса цIадурксса учитель Шагьмардан АкниевхъачIа диркIсса къатраву. Нитти-буттацал хъунаакълай, Ю. МахIаммадовлул кIицIлавлунни, И. СалихIов аьралуннаву лавшиву гъанна-къагъанна къаукуну, гъан буллаи бухъурча, наниссара куну, адамина куну.

-Оьрмулуву барачат бешиннав, Исакъ. Ххарину, ххуйну зана хъунсса цIулушиву вихъхун дулуннав. Жухъхунгу дулуннав цIулушиву, щала къуртал хъуну ина увкIсса чIумал ина хъунаакъин, - укунни райондалул бакIчинал. -Хъун къабувну учинна, Гъумук циняв бикIай, вияту гъалгъатIий. Вил нину-ппугу, дакI къанкъану, пахрулий личIаннав вияту.

Цувва талатисса кIанай ци тагъар дуссарив буслай, Исакъ ия тIий:

-Тай халкъ арцу дакъа, за-хIаматну яхъанай бия. Шяраваллурду циняр тIупал ккуллардал, блонбардал ппив дурну, дачIи лекъан дурну дия. ЦичIав ласунсса тгучанну бакъая. Анжагъ хIайвант, дунгъузру ябуллаи бия цанна дукиялун. КIиа-зара къурушран бирияйва яттил хIайван дикIул къу-

раксса кило дусса. Яла жу неххал шия чулин бивчун, шийх цахъи бигъа хъунни: шагърулийн гъан, ци-дунугу ласун, чурх шюшин щинавун учIан хъанан бивкIунни.

Исакъ талай ур Запорожьеллал областьрай. «Шийх» тIисса махъу бивчIин аьркинссар - неххал тия чулия шия чулийн, жула аьралуннал кIунттихъсса аьрщарайн, тIий. «Тийх» бусса чIумал, душманнал тIупал ккулларду, ракетарду хъунмурчIин, вайннал ялтту лерххун, къинттуллухсса

жула аьралуннайн лагайсса диркIун дур. Жуламигу му-кунна, вайннал ялтту лерххун, тайнналми аьралуннайн.

Утти, шийх бухъукун, тайннал ккуллардал, ракетартал чIу баяй тIий ия, цайнна нанисса. Секундирттал дянив, чIу баяйхту, цIакъ дурсса траншеярдаву кIучI хъун багъайсса бур, тай пIакъ учиннин, цанма зарал къахъун.

Талаталал ппу М. СалихIовлул цала чулуха укуна бивкIсса гъалмахтурах:

-Ва ттул оьрчI хъуна ан бивкIсса зухъ хъунмасса барчаллагъ тIий ура. Циняв нитти-буттацал дянив буссар оьрчI икIу, душ бикIу. Ми: душ цар булунгу, оьрчIан дунингу зухъхун гъарцаннахъхун цIулулушиву дулуннав.

-Жул ххаришиврул дунцин дан къахъунссар, - тIий дия Исакълул нинугу. -Гъаксса ялугълай бивкIру ссавур духлаганнин. Щукру, алхIамдулиллагъ, увкIунни цIулулу-сагъну. Зухъхунгу, райондалийсса

цинянахъхунгу цIулулушиву дулуннав, чIявусса бивкIунни ва ттул оьрчI хъун ан. Ванаяту цIувххунахъума барчаллагъ учин чай бура. Зушава шайсса кумаг зугу бунни. Цайминангу буллаи бухъунссару, чан къабаннав, Хъунмасса барчаллагъ.

Администрациялул иширтталсса байсса ХI. Чавтараевлулгу кIицIлаглай ия, телевизордану, сетирдаву сайки комментаторнал, Украиннавусса талатавурттая бусласини, Аьрасатнал чIявусса миллатру талай бушивугу бивсуну, хасну кIицIлаглайшиву, «лакгу, яруссагу...» къучагъну талай бушиву.

Исакъ СалихIов отпускаялий усаксса, мунал Гъумукссагу, цайми шяравалла-вуссагу дустал, гъалмахтал, архIал зий бивкIми Исакълул хIурмат буллаи, мунайн хъамалу оьвтIий, кумагру буллаи бия. КIичIираву му хъунаакъайхту, гъан хъуну, кару дугълай, цIухху-бусу буллаи бикIайва. Му ккаккан шагърулия бивкIлакIиссагума бия.

Исакъ талатисса кIанай вай бусса бур шама лакку оьрчI чацIу: вагу, ца Ххю-лусматуссагу, ца Ххюсрацатуссагу. Чув таларчагу, лаккучувна цIа зия къадурну, вайннал цала чувшиву чIалачIи дантIиссар. Хъун джъвилул шиннардиьгу, миллатирттал аьдатрах бурувгун, джъвилул Виричувнал цардан лайкъ хъуминнаву щала СССРданий лак буссар Iмур кIанай!

ЦIулуну, сагъну, ххувшавугу ларсун, ххарину шавай нитти-буттачIан зана хъуннав, Исакъ!

РЕСПУБЛИКА ДАГЕСТАН
АДМИНИСТРАЦИЯ МУНИЦИПАЛЬНОГО РАЙОНА
«ЛАКСКИЙ РАЙОН»

РАСПОРЯЖЕНИЕ
от 9 августа 2023 г. №214-р

Об утверждении документации по планировке территории (проект планировки и проект межевания территории) для размещения объекта «Распределительный газопровод в н.п. Куба Лакского района Республики Дагестан», код стройки 05/30195-1

Рассмотрев документацию по планировке территории (проект планировки и проект межевания территории) для размещения объекта «Распределительный газопровод в н.п. Куба Лакского района Республики Дагестан», код стройки 05/30195-1, руководствуясь ст. 42, 43, 44, 45, 46 Градостроительного кодекса Российской Федерации, ч. 20 ст. 14 Федерального закона от 06.10.2003 г. № 131-ФЗ «Об общих принципах организации местного самоуправления в Российской Федерации», Постановлением Правительства Республики Дагестан от 19.07.2023 г. № 293 «Об установлении случаев утверждения на территории Республики Дагестан проектов генеральных планов городских округов, сельских поселений, проектов планировки территории, проектов межевания территории, внесения изменений в указанные проекты без проведения общественных обсуждений или публичных слушаний в 2023 году», на основании обращения ООО «КЭТ» от 03.08.2023 г.:

1. Утвердить документацию по планировке территории (проект планировки и проект межевания территории) для размещения объекта «Распределительный газопровод в н.п. Куба Лакского района Республики Дагестан», код стройки 05/30195-1.

2. Опубликовать настоящее распоряжение в районной газете «Заря» и разместить на официальном сайте администрации муниципального района «Лакский район» Республики Дагестан в информационно-телекоммуникационной сети «Интернет».

3. Контроль за исполнением настоящего распоряжения возложить на заместителя главы администрации МР «Лакский район» Куннуева А.М.

Глава администрации
МР «Лакский район»

Ю.Г. Магомедов

РЕСПУБЛИКА ДАГЕСТАН
АДМИНИСТРАЦИЯ МУНИЦИПАЛЬНОГО РАЙОНА
«ЛАКСКИЙ РАЙОН»

РАСПОРЯЖЕНИЕ
от 8 августа 2023 г. №213-р

Об утверждении документации по планировке территории (проект планировки и проект межевания территории) для размещения объекта «Распределительный газопровод в н.п. Караша Лакского района Республики Дагестан», код стройки 05/30197-1

Рассмотрев документацию по планировке территории (проект планировки и проект межевания территории) для размещения объекта «Распределительный газопровод в н.п. Караша Лакского района Республики Дагестан», код стройки 05/30197-1, руководствуясь ст. 42, 43, 44, 45, 46 Градостроительного кодекса Российской Федерации, ч. 20 ст. 14 Федерального закона от 06.10.2003 г. № 131-ФЗ «Об общих принципах организации местного самоуправления в Российской Федерации», Постановлением Правительства Республики Дагестан от 19.07.2023 г. № 293 «Об установлении случаев утверждения на территории Республики Дагестан проектов генеральных планов городских округов, сельских поселений, проектов планировки территории, проектов межевания территории, внесения изменений в указанные проекты без проведения общественных обсуждений или публичных слушаний в 2023 году», на основании обращения ООО «КЭТ» от 03.08.2023 г.:

1. Утвердить документацию по планировке территории (проект планировки и проект межевания территории) для размещения объекта «Распределительный газопровод в н.п. Караша Лакского района Республики Дагестан», код стройки 05/30197-1.

2. Опубликовать настоящее распоряжение в районной газете «Заря» и разместить на официальном сайте администрации муниципального района «Лакский район» Республики Дагестан в информационно-телекоммуникационной сети «Интернет».

3. Контроль за исполнением настоящего распоряжения возложить на заместителя главы администрации МР «Лакский район» Куннуева А.М.

Глава администрации
МР «Лакский район»

Ю.Г. Магомедов

Августрай гужравун духлахисса законну

(Дайдихъу 34 ном.)

ТАКСИЛИЙ ЗАНАЗАВРИЛ МЮХЧАНШИВУ
ЛАРАЙ ХЪУНТИССАР.

Таксирду, автобусу, троллейбусу, трамвайрду бачин буллалиминнан, метролул машинистуран аьркинссар сентябрьданул 1нин диян дан цахъхъунна зунсса даву дуллуманачлан справка, цува судрахун къаагъну ивкшиврия ягу, тахсир бакъашиву ч1алач1и буну, уголовный хъиривлявуртту къуртал дуршиврия. Диян къадарча, ми давурттая букъан бант1иссар.

Ва закондалул къяйдалул къадагъа дирхъун дур судрал дело къаларкъсса ягу къуртал къадурсса инсантуран, миннал цаппара зах1матсса ва хъинну зах1матсса преступлениертту дурссар т1исса дело ххалдигълай бухурча, таксирду ва жяматрал транспорт дачин дуллай зун.

ХАСЪССА ШАРТ1УРДИЙ НИЗАМ ДАЧИН
ДАН БЮХЪАЙССАР.

Т1айласса ххуллийн уцайсса учреждениерттай (дуснакьирттаву) хасъсса шарт1у дачин дурсса низам дишинсса гъанурду ч1яву хъанахъиссар. Мисалдаран, му низам дайдишин бюхъайссар, агар Аьрасатнаву ягу мунил ца-ца к1анттурдай дачин дурну духурча ларайсса х1адуршин аьркинсса, лялич1исса тагъар дурсса ягу дяввилул тагъар баян бувсса низам, мукунна - ярагъуннищалсса душман ххяххансса нигъач1яву дурсса ягу ххяххсса низам. Му ч1умал учреждениелий бюхъайссар зузаврил ч1ун, низам даххана дан, къарал гуж бан ва къатравун инсантал итабакъаврил хасъсса низам дишин.

АВЛИ БУККАЙМИННАН АЬКИН ШАЙССА
ЦАППАРА КУМАГРУ, Т1АЛАВШИННАРДУ
«ЦИФРАЛИН» К1УРАДАЕН ДАНТИССАР.

Ппал-ч1арк1ивун, хъювун бакълай, къат1ув итабакълай, мукунна яхъанансса шарт1у цала сакин дурну авли буклансса луртанну ядулансса ва ми ч1яру дуллансса ихтиардугу, ми луртанну к1анттул шарт1урдий яхъанай аьдат бансса, ца кланая цамур кланайн бизан бансса ягу х1айвантрал лич1и-лич1исса гъаннарду, тайпарду х1алабакъансса ихтиарду дуллан бюхъант1иссар электронный журалий.

Налогру, налогру, налогру...

Абакар Къюнуев,
администрациялул
бак1чинал зам.



К1улсса масъала бур, райондалул маэшат, микку дуллалисса, ах1вал ххуй бансса давуртту, шяраваллал администрациярдал дуланмагъ дуч1айсса налогирттая, налогру къанахъисса дуч1иярттая хъарну душиву. Хаснува чарабакъа биттур дан аьркинсса налогруну шяраваллаву шай аьрщарал ва хъуслил-къатрал налогру.

Цукунсса тагъар дур нанисса шинал 1мур дач1и-шинай налогру дат1авриву учирча, тач1ав нава ва даврий зузини къадирк1сса куццуй, чанну дарт1ун дур. Мукун, дук1усса ва ч1умал-нияр налогру ва дишаларду дурк1ун дур 20 млн.далул чанну.

13 млн.далул чан даву х1исав дарча, 7 млн. чанну хъанай дур.

Гъашину 7 зурул мутталий цинярдагу аьрщарал налог

дурк1ун дур 441 азара, 179 азара къатрал (имуществолул) налог. Пландалийрив ккаккан дурну дуссар аьрщарал налог дуч1ан дан 2 млн. ва 158 азара къурушрал, имуществолул налог 391 азара къуруш. Шяраваллал администрациярду бур 7 зурул мутталий царугу к1ап1ик1 я аьрщарал, я имуществолул налограл къадирхъусса.

Масала, Хъурхърал шяраваллил администрациялул я аьрщарал я имуществолул налогру, дишаларду дурагу дуч1ан дурну дакъар.

Буршиял - аьрщарал дурк1ун дур, имуществолул дакъар. Шавк1уллал 47 азара аьрщарал дур, имуществолул дакъар. Имущественный налогру дурагу дарт1ун дакъар Ххиюлуссуннал, Буршиял. К1улушац1рал - аьрщаралсса дуч1ан дурну дур, имуществолул - 40 азара дур. Уриннал я аьрщарал, я имуществолул дуч1ан дурну дакъар. К1амагъаллал мура тагъар дур. Гъунч1укъат1рал - 21 аз. аьрщарал, 7 аз. имуществолул. Къубиял царугу дирхъуну дакъар. Ч1артгал - 5 азара аьрщарал дур, дурагу дакъар имуществолулсса. Хъунайннал - 42 аз. аьрщарал, 2 - имуществолул дирхъуну дур. Хъуртталгу муниха лархъхъусса тагъар дур - 10 аз. аьрщарал, 12 аз. имуществолул дирхъуну дур.

Аьрщи арендалий ларсминная ларсун дирк1ун,

аьрщарал налогран дирчусса арцурду махъуннай цац1анна ласунсса ихтияр х1укуматрал дуллукун, махъуннай аьмну ларсун дур 2 млн. ва 649 азара къуруш.

Амма, миннул 90% цалсса шяраваллал бак1читурал жипавура дур. Ми арцу казначействолийхч1ин зула-зула бюджетрайн дуч1ан аьркинссар. Мукун къабувсаксса райондалул цац1ун був бюджет биттур хъанай бакъар, райондалий каялушиву дуллалиминнайн аьй дук1лай дур ва м.ц.

Мукун, казначействолийх къаларгун, цац1ара дур: К1убурдал администрация - 150 азара, Карашрал - 40 азара, Хъунайннал - 700 азара, К1ундиннал - 187 азара, Къубиял - 133 азара, Хъурттал - 300 азарунния дирчусса, Шавк1уллал - 120 азара, Буршиял - 259 азара. Ми иширттайн буну, цин1ярда налогру 7 зуруй дуч1ан даву биттур хъунни 62%рал.

Х1асил, райондалий налогру ва налогруну къахъанхъисса дишаларду дуч1ан даврил, ми аьркиннин диян даврил давуртту х1урану душиву иттталун ласун аьркинни шяраваллал бак1читурал ва жаваблувминнал.

Ва масъала хъхъич1унмай баншиврул ш/хозяйстволул ва экономикалул отделданун аьрщи ишла даврил, мичча налогру дуч1ан даврил даража гъаз бавриха зун аьркинни.

Аьчухсса ихтилатру

Даймур ва лич1лулшиву цила ч1умал къадарча...

Нанасса шинал августрал 2ний райадминистрациялул шяраваллал администрациярдал бак1читурашал, школарттал директортурашал, идарарттай-организациярдай каялушиву дуллалиминнашал хъусса советаниелий райондалий наркотикру ишла баврил, миннушал талатаврил х1акъираву дурсса тагъар бувсунни **Закир Мах1адовлул, Къ-М. Дандамаевлул, Камил Жалаевлул** (Шавк1уллал шяраваллил бак1чи).

Миннаяр хъхъич1, Шавк1уллал шяраву дурсса, инсан ивк1усса преступлениелул х1акъираву анализ дуллалисса ихтилат бунни **Юсуп Мах1аммадовлул**.

Мунал к1иц1 бунни му шяраву ххуйдакъасса жяматийсса тагъар ва ас-ламусрал ара душиву. Инсантал цала-цала мурадру щаллу буллай, ккучунну хъанай, администрациялул дах1аву дакъа, вихшала дакъа, кувнал кувнайн х1урмат бакъа бушиву.

Мукун 2022 шинал Шавк1рав наркотикирттац1ун дарх1усса 5 преступление хъуну дур. Миннунсса савав - шяраваллил администрациялул хъхъарашиву,

участкалийсса полициялул участковый ххуйну къазуза-ву, школалул коллективрал, шяраваллил хъунилсриннал советрал къулагъас чан шаву ва м.ц.

МВДлул «Лакский» МО-лун аьркинни кадрардал луртан х1адур дуллан, зузалтрал бияла аьркинсса куццуй ишла буллан, опыт бусса зузалт ябуллан даврий. Баян бунни ва иширал х1акъира-вусса органнал силиста дурукун Шавк1рав жяматрал сход дарт1ун, масъала ххал-бигъин, багъайсса ххуллурду ласун.

Загъиди Мусаевлул бувсунни наркотикру ишла баврин, ми бук1лак1аврин къарцину цукунсса давуртту дуллай буссарив, ва муниц1ун бавх1усса цайми иширттая.

Шавк1рав хъусса трагедиялуц1ун бавх1уну МВДлул лахъмур органдалул к1иккусса участковыйнал, цайми ОВДлул жаваблувсса зузалтрал чулухуннайсса къул-лугърал хъиривлявуртту най дурссар. Тахсирлувтуран багъайсса танмих1 бант1иссар, ч1аланссар ци тагъар дирк1ссарив.

Къ-М. Дандамаевлул баян бунни РФлул, РДлул,

райондалул цуку-цукунсса х1укмурду, праволул актру къамул дурссарив махъ ппурттуву наркотикиртташал ва ми ишла буллалиминнашал талатаву гужлан даврил, гъарта даврил ц1анний.

Райондалий сакин бувсса наркотикирттайн къарщисса комиссиялул му ишираву хъунмур хъар ларсун най бушиву. Бувсунни ц1анасса ч1умал биттур буллалисса «Мак - 2023» операциялин буну гъарца к1анттай вах1шину ххяххсса ниц1ай хъуварал къат1ри бухлаган буллай бушиву.

Ванал аьй-бювкъу дунни право дуруччай органнайн райондалий синтетикалул ва укунмасса наркотикру ишла буллалиминнашал, ми буч1ан буллалиминнашал багъайсса ххуллурду ласлай бакъат1ий, х1атта синтетикру бусса наркотикру ххилаххими к1улну бунугу ва м.ц.

Камил Жалаев мук1ру хъунни ва ишираву цала даву х1урану дирк1унт1ий, багъайссаксса хъирив лаяву, жяматрацалсса х1ала-гурттушиву къадурнут1ий. Инсан ивк1ума наркотикирттахун агъаву, бахханас-

са пикрирдал ушиву цанма х1исав къашайва т1ар ва м.ц.

Х1усайн Аьлиловлул (прокурор) к1иц1 бунни закондалин къарцину наркотикру ппив буллалиминнашал, ми ишла буллалиминнайн къарцину шяраваллал бак1читурал, право дуруччай органнал зузалтрал багъайсса къулагъас дуллай бакъашиву, му ишираву прокуратуралул дах1аву дакъашиву. Мукун бухъукун ахиргу укун зах1мат иш Шавк1рав хъушиву. Му бакъассагу, адресрайсса, цаща-цащаласса давуртту дакъашиву наркотикру ишла буллалисса, ягу ми х1аласса затру ишла дуллалисса инсантурацал. Дакъашиву оператив хъирив лаяву наркотикру ишла-каш баврил, наркотикру х1аласса затру дах1аврил ва м.ц.

Ялув к1иц1 лавгминнал ва Явсупа Х1амзаевлул, ЦРБлул хъунама х1акиннан кланайма М. Сулаймановлул, Щардал шяраваллил бак1чи Мирослав Ибрагъимовлул, райондалул имам М. Майрановлул бувсса ихтилатру х1исавравун лавсун, Советаниелул х1укму бунни:

1. Силиста къуртал хъуну мукъах райондалий каялушиву дайми, право дуруччай органнал зузалт, жяматийсса организациярду гуртту хъуну Шавк1рав дан жяматрал сход. Микку ххалбигъин бак1рай бац1аврил, профилак-

тикалул масъалартту, ч1алач1и дан чъясса мутталий дачин дансса давуртту.

2. Шяраваллил администрациялул бак1чи К. Жалаевлул шяравусса тагъар, низам, жяматрал занакъулушин сантирайн дутансса, иширайнусса ххуллурду ласун. Жяматрал, диндалул идаралул, педагогикалул коллективрал, бугъараминнал цац1уну шяраву х1ала-гурттушиву, адаврал, психологиялул тагъар ххуй дансса чаранну бачин бан. Миннал гуж к1ура баян бан наркотикру ишла бувулт къабик1ан, ми ххяххан къабуллан.

3. Дуккаврил управлениелун, школарттал директортуран ц1усса дуккаврил шин дайдишаврицал дан нитти-буттал собрание, цийгу наркотикру, ягу наркотикру бусса затру шяраву къадик1аврил, ми ишла къадаврил масъала ххалбигълагъисса.

4. Шяраваллил администрациярдал бак1читал буржлул бан нанисса шиннал августрал 23 хъуннин цала аьрщарай ххяххсса ниц1айхъуварал къат1ри бухлаган бан.

5. Полициялул отделданун, прокуратуралул, райондалул наркотикирттайн къарщисса комиссиялул гужлан дан наркотикру ишла буллалими, ми бахлахими-ласласими, энергетикру къабгавай ппив дуллалими ялун личин баврил, низамрайн буцаврил давуртту.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев

Ответственный секретарь

К. М. Курбанов
Корреспондент
К. М. Курбанов

Опер. комп. набора

Р. И. Джалаева

Тех. редактор

А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана

и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»

Адрес:

г. Махачкала,
пр. Насрутдинова, 61.

Срок подписания

в печать 17.00

Подписано в 16.00

Газета выходит

в неделю 1 раз.

Тираж 682 экз.

Цена свободная.

Газета зарегистрирована

Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный

ПИ № ТУ05-00385

*Позиция редакции
может не совпадать
с точкой зрения
авторов, которые несут
ответственность
за достоверность
представленных для
публикации материалов.*

Баян баву

Ишбажаранчитуран к1улну бик1ан

К1улсса куццуй, Запорожский областърал ва Дагъусттан Республикалул дянив цакак дунни дахху-ласулул, экономикалул, элму-техникалул, социальныйсса ва культуралул дах1аву гужлан дансса кьут1и. Му цакак дунни ми иширтталсса буллалисса оператив штабрал бат1аврил протоколданул (10.07.2023ш. №01-33-01-6220).

Микку ккаккан бунни Дагъусттан Республикалул Запорожъяллал Михайловский район хьхьичлуннай дансса, ччаннай дац1ан



дансса кумагру бан. Микку т1ит1ин дуки-х1ач1иялул, ягу цайми хьус даххаврил

ттучанну. Муни бунну, ми давуртту дачин дансса ишбажаранчитал лякьинсса х1арачат бан.

Мунишала, икьрал хьунни Михайловский райондалул администрациялул кумаг бан ми бигарду биттур бавриву,

Му бакъассагу, Михайловский райондалий т1ит1ин дагъусттаннал хьусхьунду-вултрал представительство.

Овьчин бюхълай бур ва номерданин: 8(8722) 67-80-82, РДлул Минпромторгтрал управлиелул начальник Э.



А. Аьлиевлч1ан.

Министрнал заместитель
Х. О. Оьмаров.

Цалчинсса летчиктурава

Ухсавнил Кавказнаву цалчинсса дяввилул летчиктуравацца ивк1ссар Гьумучатусса Исаев Мах1аммад-Садикь Мах1аммадлул арс.

Ппу ччяни накьлу хьуну, Мах1аммад-Садикьгу, мунал уссурвалгу ливч1ун бур буттауссил кьайгъулий. Мунацца, мадара зах1мат бунну, Мах1аммад-Садикь акьин бювхьуну бур Темирхан-шуралийсса реальное училищелувун. Гикку ч1алан бивк1ун бур, му дуккин пагьму бусса ушиву. Хаснува ххуйну оьрч1ал лахьхьайсса дирк1ун дур математика, физика ва т1абиаьтраясса элмурду. Буккайсса бивк1ун бур таварихраясса ва Кавказнал этнографияляясса (миллатирттал хасиятирттал хашивуртту ва культура) луттирду.

Училищелул библиотекалуву Мах1аммад-Садикьлул бувккуну бур га ч1умал циняв мах1атгал буллай, вих хьун кьашайсса куццуй лехлай бивк1сса уссурвал Райтхьяясса, европанал ва оьруснал гьаваллаву леххултраясса луттирду. Ч1ава жагьилнан гьира багьну бур лехлан ва самолету дуллан цанмагу лахьхьин.

Амма ганан, кулпатравусса хьунма оьрч1ан, аьркинну бивк1ун бур оьрму бутансса арцу ляхьлан. Мунияту га увххун ур Константиновскийсса

дяввилул-артиллериялул училищелувун. Дунияллул дявви байбивхьуну, дуккаву анаварну дачин дурну дур. Мах1аммад-Садикьлун х1аписарнал чиннугу дуллуну, Баргълагавал фронтрайн гьан увну ур.

1915 шинал ца талатав-риву ганайн щаву дирну дур. Га утту-ишин увну ур аьралуннащал ба-чайсса госпитальданий. Цахьи махь гьан увну ур кьинттуллухун. Миккусса госпитальданий ганан бавну бур Петроградлул ч1аравсса Гатчиналийсса летчиктал шайсса школалай дукланми бат1лай бушиву.

Га бивк1ун бур ц1адурксса школа. Га заманнай Аьрасатнаву авиация х1урасса дирк1ун дур. Гатчиналийсса школалул цила самолету кьадирк1ун дур. Летчиктал хьанахьи-ми лехлан лахьлай бивк1ун бур франциянал «Фарман» ва «Морен» т1исса фирмардал бух хьусса леххай аппаратирттай. Аьрасатна-

ву гьаваллаву лехлахисса хьхьичлунсса биялсса летчиктурал бувккуну бивк1ун бур му школа. Мах1аммад-Садикьлул Гатчиналийсса школа кьуртал бунну бур хьинну ххуйну.

Фронтрай уссаксса, М-С. Исаев цаппарила агьну ур хьинну нигьач1исса иширттаву. Ца тарих1ран, ми ишру ххуйну кьуртал хьуну бур. Кьучагьшиврухлу ва цала пиша ххуйну к1улушиврухлу му командиртурал цаппарила к1иц1лавгун ур ва мунал

торшивугу дуллай. Цала уссин т1урча лахьхьин буллан ивк1ун ур хьирив ац1айсса (наблюдатель) летчикнал кьуллугь бартбигьлан.

1919 шинал июльданул 22ний хьуну бур хар-хавар бакъасса иш. Му кьини аэродромрая гьаз хьуну дур к1иягу уссу Исаевхьашалсса самолет «Фарман». Хьинну лахь кьархьуну, самолет дерххун най дирк1ун дур Урал неххал ялтту. Цакуну «гьавалул хьунт1уллувун» дагьну, чулий кьус дирк1ун,



капитаннал чин дуллуну дур.

Дявви кьуртал шайхту, М-С. Исаев зана хьуну ур Темирхан-шуралин. Амма шийх му зунсса к1ану кьалеткьуну бур. Мунияту га, Грузиянаву летчиктал х1адур байсса школа т1ивтлушиву бавну, Самтретиди т1исса шагьрулий инструкторну зун ивк1ун ур. Школа хьинну щаллу кьабувсса, самолету ва цайми кьай диял кьахьанахьисса тагьарданий бивк1ун бур. Мах1аммад-Садикь Самтретидий зий ливч1ун ур 1918 шинайнин. 1919 шинал дайдихьулий га ивзун ур Гурьеврайн, цащала ч1ивима уссу Мурадгу увцуну.

Гурьеврайсса школалай М-С. Исаев ивк1ун ур хасьсса дарсру дихьлай, курсанттуран леххайсса куццу лахьхьин байсса инструк-

хьа щуну дур неххал щинайн, яла цурдагу дагьну дур неххавун. Киягу уссу, кувнал кувнан кумаг буллай, дюкьялакьисса самолетава букканмур буллан бивк1ун бур. Мурадлуца уккан бювхьуну бур. Мах1аммад-Садикьлушарив цува самолетац1ун авх1усса энту ттирих1ин кьабювхьуну бур. Уссин кумаг буллалисса Мурадгу, ххуру-п1айлул к1унк1у увну, к1иягу уссу бювкьуну бур.

Х1урматращал бувччуну бур к1иягу уссу Гурьеврай Урал неххал зуманив. Миннал гьаттайсса чарий чивчуну бур: «Шикку бувччуну буссар, хар-хавар бакьа самолет дагьну, жаннац1а хьусса уссурвал, Гьази-Гьумучатусса Мах1аммад-Садикь ва Мурад».

В.Х1.Х1ажиев.

